

五
峯
遺
稿

五峯遺稿卷之六

詩

五言律

入覲和館閣諸公燈夕預宴

日麗三元泰春回萬國知寶符

明主握喉舌老臣司漫啓傳柑宴爭歌踏月詞太平
真有象獻頌欲憑誰

又

燈夕重城夜群公過所知光風動衡宇冠冕出南司
昭代身難遇深盃醉莫辭上卿歌白雪健筆更論誰

小樓對雨撥悶

幽意忽不愜蕭條生遠愁閒聽竹林雨恍對瀟湘秋
白日不可暮滄波無盡流凭闌一長笑吾道付滄洲
送華祖芳歸菰里隱居

相逢又復還遠出秣陵關故國真堪隱浮名好是閒
片帆衝暮雨疋馬渡秋山別後遙相憶桃源不可攀
又

碧草滿汀洲知君已倦遊還家三徑在歸路萬山稠
柳暗鷗邊渡花明驛外樓年來多覽勝不是謁王侯
與李貞伯訪鹿丘

虎阜重遊處登高野興濃笑談陪二老徙倚對孤松
雲路三千里煙花一萬重可中亭上月今夜照衰容
挽趙公韜

嗟爾高年老平生德譽尊詩書傳世業冠紱荷
君恩遂興東山屐間情北海樽九原招不返愁絕更
堪論

惠山留宿璿上人房

杖屨來應慣山深逐自諳禪枝倦鳥宿佛日老夫貪
窓戶含靈籟衣裳帶夕嵐竹鑪茶已熟一酌愛泉甘

又

公事未易了痴兒真自憐偶將垂暮景來伴野狐禪
聽法心何靜看山性亦便孤眠發深省晨磬已泠然
又

山中送客罷寂寞掩柴荆正爾厭塵俗悠然聞磬聲
千岩月色靜孤榻夢魂清擬結東林社焚香過此生
又

寺古門常掩僧殘跡半疑石牀刊米字塵壁掩唐詩
曲徑松杉老荒庭橘柚垂九龍山色好相對一丈頤
盱江官舍拜別家君

草木已黃落北風吹髮絲天南為客日江上別親時

祇益支離苦尤增老大悲郡齋今夜月雙照淚痕垂
送舍弟永孚歸

蕭蕭征馬鳴遊子趣歸程天地分南北關河限弟兄
寒煙楊子渡衰草晉陵城思汝不能置令人薄宦情

又

歸心切大刀歸路不辭遙匹馬嘶秋草孤舟逐晚潮
看書愁緒亂把酒放颿銷誰念空齋夜無人伴寂寥
勉潘生箴

烏臺初試日落筆錦成篇總角輕餘子名家出俊賢
霜蹄知暫蹶風翮待高騫燈火寒窓下從今更勉旃

赦後慰陳維藩都憲

季同父也時戍邊陲

萬物回春日孤臣遠戍時榮枯元有數雨露本無私
牢落心猶壯艱難髮易絲受釐行有召不用帛相纍

又

絕域三年戍君恩未許歸志平胡羯難身墮大羊機
塞日明丹悃邊風冷鐵衣白頭勲業在未覺寸心違
南山小隱七首為荆溪王景昇賦

結屋遠鷺塵間居不厭貧青山當北牖流水在東隣
策杖白雲外採芹青澗濱誰知

明主世黃綺未稱臣

又

卜築傍雲林幽居愜此心
風煙一壑古花竹萬山深
披衣閒引鶴坐石靜鳴琴
地僻無人至山猿清晝吟

又

已識浮生謬應耽野趣
長性迂忘紱冕地僻懶衣裳
蘿月侵窓白山花入座
香卑栖自足喜不是傲岩廊

又

丘壑漫棲遲悠然與世違
嶺雲隨竹杖山鳥識荷衣
白石無氛穢紅塵有是非
首陽人已遠千古契玄機

又

地僻遠輪蹄柴扉咫尺迷一瓢存至樂三徑足幽棲
野飯青精熟山巾白葛低隣翁日來往尊酒故相携

又

遁跡衡門下終年獨晏如何曾謁官府祇自愛琴書
蘿屋經秋冷松窓帶月虛相過無俗客疑是子雲居

又

茅屋住山丘丘園事事幽茶香和雨摘果熟帶霜收
石鏡當窓見山泉隔幔流何時謝軒冕來伴竹林遊

登平首山觀音閣

懸崖半置屋突兀倚晴空棟宇梁朝舊江山楚望通

登臨躋鳥道徒倚對龍宮莫厭頻來此浮生幻泡中

挽崔太宰母夫人

鶴髮名卿母平生四德超宸封連八座榮養極

三朝彤管流芳遠蓬山入夢遙傷心埋玉處松栢已

蕭蕭

又

閭閻賢聲遠京華祿養豐滿盈存至戒恭儉仰高風
貴壽超今昔哀榮極始終白雲元宰淚和血洒幽宮
挽徐大華

長嘯乾坤內斯人竟爾亡逝川生意盡脩竹舊亭荒

汨沒悲吾道風流憶省郎傷心木巷子還為發幽光

挽嚴員外

世事浮雲變奎星闌下稀傳家遺澤在報

國壯心違落日孤帆去西風旅櫂歸江山舊遊處不見謝玄暉

東園草亭

地僻塵喧少亭虛景物賒捲簾通乳燕開徑踏殘花
翠竹和煙暗青山繞戶斜從來幽絕處多在隱君家

又

四十年來事悠悠一夢過招人胡不盡天意竟如何

赫奕家聲遠光華

寵命多傷心小軒外梅影尚婆娑

東趙承諭

俗事不可了來尋溪上居
開軒面佳菊疊石俯清渠
歲稔村多釀溪深食有魚
王孫解吾意相過亦踟蹰

又

主意吾何拙誅茅亦偶然
為山方一簣種竹已三年
濯足太湖上讀書秋樹邊
何當謝符竹終老此林泉
將之武昌留別諸賓友

擾擾又行役萍蓬笑此生
心隨星北指身逐雁南征

郡已連三戶絃歌帶列城那堪別知己悵惻重含情

又

行止何曾定真斷馬少游風塵催老髮尊酒別詩流
漢水搖城郭巴山繞驛樓安人昧深術何以報
珠旒

挽華處士思齊

舉世誰敦朴傷心憶此翁力耕閑厚業恭儉起淳風
花館琴尊在雲林杖屨空唯餘小山桂猶發去年叢

排律

謝世脩新構小軒詩以蒸之

憐君安石後尤擅晉風流再向東山起還將別館修
悠然清似水藁爾小於舟簾捲秦淮月窓含建業秋
官閒足棲息道在且優游聊適簞瓢趣寧為粉繪謀
夜燈攻載藉春酒合朋儔苔色侵堦潤爐薰入座浮
卜隣吾欲住安分爾何求

挽胡推府

嗟爾論文友才名孰與儔青霄方獨奮滄海忽同流
幕府悲孫楚君王失馬周正期資上策無復借前籌
旅櫬秦淮上歸帆楚水頭生涯餘破硯身世信浮漚
落日家千里空山土一杯楚魂招不返歌罷恨悠悠

授贈閣老諫齋公

宇宙開昌運東南出異人
輟耕扶社稷用世展經綸
黃閣登庸久蒼生屬望頻
位高功在相名重漢宗臣
玉燭調元日金甌覆姓晨
謀謨咨廟畧風義動簪紳
感激張天步從容秉化鈞
滄溟同浩大喬嶽並嶙峋
聽履星辰近持衡藻鑑新
風雲增氣槩驟驥借精神
氣接千齡盛文兼六籍醇
格天推一德論道撫三辰
溫樹何曾道幽風每獨陳
憂時過魏相接士陋平津
淺薄懷殊顧衰遲愧病身
賜環遭

聖主耕稼學村氓
悵望雲霓隔栖遲
水石隣我詩歌

盛業早晚畫麒麟

舟過平原吊顏魯公

唱義登壇日綱常赤手扶力披胡虜勢真拓廟堂
慷慨紆長策艱難仗老儒奮戈張國步泣血挽兵符
社稷真猶贅乾坤此丈夫孤忠何耿耿大節豈區區
勲業張雷並才名李郭俱經過吊遺跡感歎一長吁
挽某侍御母

叔氏已云沒遺孤欲倚誰艱難全節義顛沛仰仁慈
續亭供炊日允熊課讀時已看成令器足用表賢規
紫禁陪朝彥烏臺肅憲儀衰門重振耀薄俗賴維持

訓育恩何厚生全德豈虧正期榮五鼎忽爾謝三簪
物化嗟何速神遊竟不知束芻深有感揮淚寫騷辭
再送中使劉公移鎮兩廣

列郡謳歌文

三朝屬望頻匡時資舊德推轂仗親臣振肅揚兵氣
謀謨贊國鈞律身崇儉德虛已接儒紳江右恩方洽
災方命又新廟堂快遠畧田野泣遺民威望通南極
榮光荷北辰花羅裁蛺蝶宮錦照麒麟劍倚秋天潤
笳鳴細柳春有才終利世行見息邊塵

挽盛封君文珪

執紼已無路一哀江漢秋鄉邦遺老盡塵劫此生浮
龍昇空陳迹羊城憶舊遊壯懷何激烈老境足優游
義為還金重名因教子收已封周柱史又拜漢諸侯
聖代恩華盛賓筵禮數優碧山方獨卧滄海忽同流
雲壑閒吟屐花溪冷釣舟羊曇空有淚何日酒玄丘

甘露降翰林柏樹上題寄王思軒先生

融結由元化甘香美若飴休徵千載遇靈液九天垂
效瑞當文苑呈祥表盛時景星良足比卿月未為奇
慶軟虞廷鳳名高漢殿芝太平真育象元化本無私
信是中和應端由德惠施未從仙掌降先示史官知

氣逼青綾被光搖白玉卮愿言書簡冊永矣播昌期
分題得方字壽張侍御

舊日蘭臺史新封漢署郎登朝五子貴投老一身強
逸興青藜杖閒情綠野堂鳳麟頻應瑞椿桂早傳芳
霄漢承

恩重煙霞引興長名高錢若水跡邁賀知章醉裡花
連屋吟邊月滿牀商顏紅映玉潘鬢白欺霜豈服裁
官錦斑衣列雁行綺筵時設樂華屋漫稱觴已註長
生錄應傳却老方遐齡何以祝松柏願同蒼

祝李處士

彼美臨淮裔風流古丈夫將門生禮樂華胄出宗儒
林壑雙吟履煙波一釣徒棲遲成隱逸歌咏樂唐虞
溪上多鷗伴天邊有鳳雛正期三釜養忽作九原殂
白社名猶在青山跡已無後生瞻盛德揮淚詠生芻
送趙荊州士英之任

聖主憂南服分符屈異才郡連夔子國山帶楚王臺
已協三刀夢真乘五馬來懷賢悲屈子訪古弔秦灰
風物雖堪賞流亡亦可哀隨車有甘雨早晚發枯荑
徐庶子謙齋先生廬墓有白鵠白鴈翔集名
曰瑞禽卷

南陌曾催種陰山罷寄書居然來沼沚矣在庭除
瑞應神芝並奇毛玉雪如孝誠原有感天道本非虛
翔集隨烏鳥悲鳴繞墓廬鳩郎君遠祖千古繼芳譽
聞史館諸公同時進秩喜而有作

聯步登清禁分曹逼上樞飛騰千載遇遽轉一朝俱
海嶽回元氣朝廷用老儒風雲隨逸足文采照亨
衢翰苑才華盛清卿秩望殊跡參諸相地心蘊濟時
謨館閣登元輔山林任老夫題詩賀新喜哀病近來
蘇

三宜菴為高都憲上達賦

位重親兼老年衰病復侵豈應縻好爵端合謝華簪
兩表陳情切三朝荷寵深眷留

明主意知退老臣心節義驅流輩聲光照古今廟堂
方側席丘壑竟藏環已似司空去還為梁父吟崇軒
揭華扁歌頌滿儒林

五峯遺稿卷之七

詩

七言律

送高侍御茂卿

五十功成便乞還，繡衣光采動鄉關。
塵中裘馬諸公老，物外湖山一叟閒。
南陌鶯花供杖屨，空江煙雨夢朝班。
栢臺回首清風在，留照他年汗竹間。

又

三朝執法馳清譽，此日還家振古風。
共擬中流存砥柱，還看一鶴在秋空。
湖光晝映秋屏閣，山色晴涵鐵

柱宮去去祇應多樂事絕勝騎馬畏途中

迎養

吾親百里肩輿至群玉軒中笑語溫童稚褰裳頻問
信朋知携酒每過門生成已荷乾坤德祿養難忘
聖主恩燕喜高樓錫山下只愁相憶又南轅

又

三年不見親闈面一笑相逢樂未涯頗覺圓顱新點
雪還憐老眼未生花燈前欸洽還疑夢客裡團圓却
勝家南望鄉園三百里肩輿來往路非賒

鄭侍御在告

年來多病付參苓冠蓋南歸問草亭
直指一曾持暴斧平反三見典
臯刑中朝人物推麟鳳大手文章
耀日星出處平生俱有道也應無愧北山靈

寄夏大理李爵

鏡中華髮已斑斑乞得

君恩便賦還家住六橋煙水畔身辭雙闕綵雲間
新開綠野多栽竹舊賜黃金可買山應共南齋老耆舊
日長詩酒漫消閒

贈濮惟清五十免賀

憐君五十不受賀忽憶親恩百感增
對卷幾回歌陟

怙閉門聊且謝賓朋青山老去真堪隱白髮年來漸
可憎聞說知非慕遠瑗芳名不愧士林稱

留別錢塘劉邦彥次華祖芳韻

白頭傾蓋會秋城賓主風流萬古情身似兩萍真轄
合詩如聯錦喜俱成清談自覺輕餘子白戰何勞動
寸兵石鼎閑鶉風格在也應從此共馳名

病愈自慶兼謝葛元兆醫藥之助

寒灰已死復重燃天遣先生得瓦全莫道黃楊偏厄
閨須知社櫟最長年性因習靜常辭客心為忘機已
近禪珍重秘方誰解贈逢人多說葛洪賢

次韻贈父

先生作官還讀史行年六十貌尚腴畧無清霜點鬢
髮漫有浩氣充區側聞

聖主用正士已覺健足當亨衢明朝大笑出門去回
首青山空酒鑪

挽胡封君

鐵冠幾牙氣如仙老去封君雪滿顛笑傲溪山無俗
累品題風月有詩篇閒驅童僕耕雲壤貧恠郎君寄
俸錢回首稽山已埋玉不勝哀感一婁然

余頃北還方養病龍山草堂錢味泉携酒浴

月之舟招遊惠山西菴時風雨連天咫尺萬
里不無皓首衝泥之嘆然厚意不可虛辱遂
命駕冒雨而往解后雙溪之上亭午風止雨
息雪意轉濃翹首西菴竟不可到因艤舟蓉
湖之上與衆客劇飲半酣又命小僕彈秦箏
歌越調侑觴病懷為之一掃而興亦頻作遂
用梅堂先生舊韻偶成拙詩三首而諸公即
席和韻共得若干首翼日味泉出素卷命書
因書左方

珍重勞君折簡招蓮蓉湖上漫逍遙寒欺綠酒風稜

惡凍合長空雪意騎詩句喜從狂裏得年光多向病
中消倚樓無月空歸去孤負姮娥又一宵

舟名卷月
故云

又

山行空負故人招皓首衝泥不憚遙天外黑雲將雨
重溪邊驄馬挾風騎西菴咫尺不可到老興百年殊
未消聞殺松風高閣上無繆燈火話今宵

又

畫船衝雨故相招咫尺真同萬里遙誼重獨憐交有
道情真偏覺富無驕清尊到手休辭醉白雪盈頭不
肯消歡飲竟忘歸去晚寒城燈火已嚴宵

卧巖為吳興凌漢章賦

坐憎塵土汙清顏
卧若溪夢裡山
短髮不隨秋色老
高情常與白雲閒
功名已付形骸外
繪像徒求板築間
一枕羲皇消白日
漫勞猿鶴守柴關

味泉為錢孟濤賦

先生元是獨醒人
愛酌山泉養道真
一勺可同仙掌露
百壺誰羨甕頭春
烹茶自昔推瀉漸
嗜酒從今笑伯倫
蔬食曲肱時飲處
懸知洗盡六根塵

壽閭江吳良素

太湖之峯七十二
秀氣都鍾積善家
母壽百齡身尚

健兒年七十翼方華山中舊種芝如草海上初來東
似瓜聞說諸孫半麟鳳綵衣稱慶樂無涯

寄贈謝別駕

潯陽江上駐旌旗華秩新增位望躋官轍不離三楚
外賢聲嘗滿大江西陶潛宅廢荒秋草庾亮樓空濕
燕泥憑仗諸郎相問信登臨是處每留題

山居漫興

天全病叟近何營疊石為山桂作屏送客慣行溪上
路娛親多向水心亭功名暗想俱成夢詩句窮搜半
入冥自愛日長無一事釣簾常對五峯青

次潘繼芳見寄

一官多病早歸來，獨守衡廬養不才。
活計正須求二頃，虛名誰更望三台。
閒思世事添新夢，老愧君恩乏報埃。
不是故人情誼重，解題詩句問蒿萊。

又

五朵峯前結構新，歸來收拾度餘春。
竹間棋墅頻留客，花裏池亭半養親。
高卧已成窮獨叟，躬耕真作太平民。
數篇白雪誰能寄，珍重平生一故人。

和余立夫

少年文社久推崇，誰說簞瓢劫屢空。
眼底生涯惟翰

墨人間榮願是苓通自憐黃葉西風裏誰念枯魚涸
轍中聞說諸公敦道義可無青眼慰飄蓬

用韻呈邵武庫

涼思蕭蕭入絲毫細簾半捲雨如毛宦名誰念潘郎
拙詩興都輸武庫豪鳴珮舊裁秋水玉鉞鋒新鑿鵬
鷖膏聞君素有經綸策肯學微之老駢曹

追挽潘尚古時覲

古道當年說此翁紛紛誰數滑稽雄江南白社英靈
在湖上青山舊業空才似茂陵嗟命薄貧如東野坐
詩窮傷心一讀先賢傳淚洒龍峯落照中

聽松菴復竹茶爐

烹茶只合伴枯禪誤落人間五十年
華屋夢醒塵冉冉湘江魂冷月娟娟
歸來白壁原無玷老去青山最有緣
從此遠公須愛惜願同衣鉢永相傳

又

多情常自愛逃禪塵劫今逢解脫年
價重玉堂并粉署生憎華屋共嬋娟
休論一物原無定信自三生却有緣
從此諸天謾呵護千秋留伴佛燈傳

又

生平只供文字禪歸來松屋度餘年
貞姿寧受俗塵

汚舊態尚含湖水娟舒州短杓本非侶溫石小鎬知
有緣況復仙郎歌白雪高風留與士林傳

又

塵容脫却喜歸禪況復諸公為表年白雪數篇詞滾
滾春光三尺淨娟娟烹茶陶穀應同調解帶絲公儼
結緣陸羽泉頭惠山下清風萬古漫流傳

寄陳行之

最喜故人陳仲子生同杜甫愛吟哦水壺夜月精神
炯絲筆春風蘇思多惠薜花繁晴看展玉溪雲靜曉
聞歌清霄擬約飛騰云 關下行吟學士珂

和答行之

十年湖海長爲客一日思君定幾番
薄宦獨慚牽世務幽棲空羨隔塵喧
襟懷耿耿誰能識俗事悠悠豈足論
准擬相逢共傾倒可堪司馬卧文園

遊華嚴寺東慶雲禪師

千年古剎南湖上風景無邊過客稀
一水渺茫連鳥道萬山重疊護禪扉
清泉白石澄心慮古木寒岩老衲衣
滿目詩情題不盡令人遙憶謝玄暉

登望湖亭次王間韻

太湖之邊此亭高
以風景亦悠哉
夫差舊事猶堪

吊越相扁舟竟不回
人世百年萍梗轉
雲山一幅畫
圖開題詩不盡
登臨興
汀鳥沙鷗莫浪猜

登虎丘五臺山宿簡公房

小吳軒裏登臨處
翠竹蒼煙暮不分
千古江山留勝
槩百年尊酒會斯
文春林月出入皆
醉夜榻香清手
自焚題遍壯遊詩
百首不知身已在
重雲

風翰亭為陳行之賦

自是玉堂揮翰手
漫將高興付幽亭
春風花下頻聯
句新水池頭獨著
經千古東吳傳勝
事五更南斗避
文星何當更覓山
中穎為我重書痊
鶴銘

送行之歸錫谷

錫谷先生才更優汗漫江湖真勝遊
建業鶯花延笑詠上林魚鳥識風流
中書堂裏觀落筆揚子江頭催發舟
忽漫相逢又相別春風愁倚仲宣樓

西清樓為行之題

錫谷逶迤山水幽中有隱者之飛樓
二泉煙霞半欹夕九龍寒氣長宜秋
吟邊落日動遐思望裡平湖消客愁
地靈神物為呵護更約凌風來上頭

又

何人開居錫谷裡
潁川先生心
靈姿白雲英
英宿塵

棟清泉涓涓流小池溪風山雨靜或作白米香芹開
自炊天開圖畫機簾外長憶累茶來賦詩

送張叔明郎中致政歸毘陵

令子青雲早着鞭先生長笑賦歸田身辭天上黃金
闕夢落湖中晷畫船浮世功名今已矣故園松菊尚
依然吳松鱸膾蘭陵酒去去應知樂事偏

癸巳正月將之武昌留別諸社友

滿天風雨下西樓薄宦催人不自由江上移家都十
口天涯為客只孤舟閒愁忽忽心如擣短景匆匆髮
欲秋堪羨吟壇諸故舊春來詩酒漫優游

丁未初夏將赴西江留別諸社友

一紙除書出禁宸 天恩遙起病中身
年來纓喜官資大老去空慚 寵命新豈有消埃酬

聖主已看新進笑陳人何時歸老龍峰下喜與諸公
樂隱淪

又

座中華髮闔清妍共醉山亭送別筵
病起故應羞作吏老來偏覺愛遊禪
官程明去三千里厄運今過百
六年不用殷勤唱三疊壯懷牢落已非前

寄潘繼芳

潘郎瀟洒最能詩五十年來鬢已絲安分不生天上
夢明經嘗作里中師身無俗事多尋樂家自先朝舊
業醫閭說來衣新製就壽觴頻獻北堂慈

喜繼芳過五峯草堂

山居連日風兼雨竹裏池邊爽氣多老子閉門方熟
睡故人移棹忽相過笑談自足寬懷抱詩酒真能遣
病魔但使乘閒數來往不妨垂白理漁蓑

野舟為過時霽賦

懶從塵海覓通津飄泊東西不屬人野水寒雲成獨
往清風明月自相親秋高漁浦垂綸迥春滿花溪載

酒頻莫道巨川渾未濟要將蹤跡繼玄真

次時齋自題畫像韻

釣拂珊瑚碧海枝乾坤清氣入新詩紅旗畫紙非吾事
自舫青廉任所之半畝幽居惟鶴共一江殘夢有鷗知
可憐畫手今曹霸解寫平生物外姿

贈安素丁翁

年來高隱樂昇平身閱流光近百齡九隴峰前策鶴
蹇萬人場裡看駘鈴清朝有道須恩寵紗帽多情
上髮星好與吾翁成二老翠房相對莫參苓

次方伯禎朝川自題山莊韻

得歸茅屋荷 天恩小築偏依郭外村
紫栗黃柑收地賦白魚青笋薦盤珍
屏風面面山園座鐘磬泠泠寺遶門
我亦休官林下住不妨來往共清樽

挽趙汝明

高丘預卜夜堂幽回首湖山一病休
鄉里百年遺老盡乾坤終古此生浮
千家白屋頻揮淚三迳黃花尚索秋
欲向滄洲弔真隱水雲涼冷使人愁

題望遠亭

在錫山絕頂紫尹躬實建

吳下諸亭此獨尊八窓虛敞絕塵氛
光華日月東西見清濁乾坤上下分
山帶九龍開罨畫天低雙闕

擁紅雲來遊每接郎官烏幾度論詩到夕醺

樂清軒為金陵沙士清題

一榻煙霞稱隱樓老來真與世相違門前舊雨無人
到簾外輕風有燕飛濁酒漫漫淹陶靖節青山常對謝
玄暉畏途只在茅茨外未許紅塵上布衣

又

嬾慢無營地更幽風光真是羽人丘疎簾暮捲三山
雨小簾涼生五月秋物外閒情聊自適醉中高詠有
誰酬知君心跡清如水不愧平生馬少游

又

華門無事晝還扃來往何曾許白丁
栢子漫焚彈綠綺硯池新浴寫黃庭
簷前花落春吟罷竹裏鶯啼午夢醒
身世已看超物外移文無待北山靈

又

蕭洒茅堂半畝餘幽棲真是野人居
牀頭藥裹封蛛網架上芸香辟蠹魚
飛絮落花閒點筆小橋流水曲通渠
年來與世應相忘不是逢人禮法疎

又

京華隱者少陵心卜宅秦淮江水潯
滿徑暖煙芳草合一庭春雨落花深
捲簾山色浮青黛隔戶泉聲漱

玉琴地僻尋常無客至絕憐城市有山林

又

一榻清風夢亦安隱居林下樂盤桓青錢買竹新開
徑白首看花懶着冠陶令歸來宜縱酒龐公老去只
泥蟠柴門盡日無人到自汲清泉煮月團

題李中山嘉禾卷

聞說中山異政多大田隨處產嘉禾乾坤有意昭靈
貺品物無私表至和甘雨惠風資發育黃童白叟起
謳歌憑誰寫入丹青傳萬古千秋耿不磨

又和陳季同

春風喜氣滿人寰
逐客天南尚未還
日月照臨遺一
老風塵飄泊自千山
伏波空擬題銅柱
定遠終看入
玉關
遊子天涯戀
甘旨青襟
嘗染淚痕斑

又

皇恩如海遍人寰
萬里孤臣未賜還
共喜陽和回大
地獨憐黃葉尚空山
孤忠耿耿思

明主清夢悠悠
統故關寂寞懷賢
無限意小窓
燒盡
鷓鴣斑

又

赫赫高風振宇寰
龍沙謫去幾時還
愁邊烽火孤城

戊望裡煙雲百粵山天道自應回厄運鸛書終見出
重關憑君莫賦懷沙恨雙鬓秋風正易斑

又

英英壯氣隘區寰白首天涯有夢還曾把赤心酬
聖主父看清節重丘山飄零敢恨君恩薄成敗從
知氣數關欲採蘋花遠相寄空江煙雨正斑斑

過峯畫溪

釣魚臺畔草蕭蕭十里青山映畫橋新水滿溪農似
酒輕雲籠樹薄於綃林間雞犬疑仙境洞裏煙霞隔
市朝欲喚希夷同講易天邊黃鶴杳難招

泛湖

西風吹老太湖波湖上輕寒襲綺羅葦遠連秋水
潤雲山偏帶夕陽多蘭舟畫槳催歸急綠酒清樽奈
樂何人世百年空幻泡相逢且聽太湖歌

文崖為楊郎中叔瓚題

孤高特立三千仞氣格稜稜老更蒼大地風煙增秀
色五更星斗避文光中藏丘壑元殊俗高倚乾坤不
露銼我欲時來挹芳潤揮毫相對澹相忘

重恩樓為楊都憲子紳賦

仙郎樓閣倚雲煙常得東君雨露偏韋杜自連天尺

五蓬萊空隔水三千兩朝 恩詔金花重八十慈闈
鶴髮鮮聞說春來頻送喜碧桃香裏慶華筵

留題天申宮和潘繼芳韻

天申宮裏題詩處白石清泉野興濃秋老竹光團翡翠
夜深丹氣出芙蓉會仙岩古蒼煙合禮斗臺空碧
蘚封欲問老髯求鐵笛月明吹上最高峯

與沈時賜同年遊張公洞

洞門深合氣濛濛人在先天太極中老翠撲衣渾作
雨絲雲垂地不驚風仙壇咫尺無人到弱水三千有
路通欲訪張公問真訣夜寒官炬半銷紅

又

平生足跡半天下眼底好山惟此奇石壁溜深俱化
玉丹田雲暖漸生芝仙人棋局今無恙塵世年光祗
自移笑接郎中坐盤礴燒香臺上住多時

陪伍憲副遊麻源第三谷

霜臺先生老詞伯携我同上蓬萊宮寒岩古樹栖一
鶴石竇飛泉垂兩虹山中日月不可老洞口桃花常
自紅神仙有無何足說獨立滄江懷魯公

題江俞憲一源大父歲寒軒卷

斗南老人冰雪姿閉門不出髯如絲結交獨與松栢

共節操肯容桃李知開軒時誦少陵句撫卷每和淵
明詩石郎癡絕真可笑金谷繁華空爾為

又

高八閨軒南海尋遶戶松栢常蕭森相看共保歲寒
操靜玩每諧金石聲清陰壓簾白晝永秀色滿地蒼
雲深紅塵一點飛不到扣膝時為梁父吟

讀東遊錄寄贈夏方伯正夫

十年不見老文星萬里江湖兩葉萍健筆舊凌鸚鵡
賦長才新勒岱宗銘評高海市消群議識陋水山見
獨醒聞說逢人頻有問別來應是眼絲青

又

紛紛多士仰儒宗誰道東行伴惱公老氣直吞江海
濶高名不讓泰山雄旌旗已闕輶門武禮樂還瞻魯
廟風此日政成催入覲奏書行到大明宮

和司馬侍御通伯長沙即事

洞庭之南湘水頭詞客經秋成勝遊七澤霜寒白雁
叫九疑日落蒼煙收湘妃廟下聞鼓瑟屈子祠前看
放舟悲風颼颼動芳芷翹首楚天生暮愁

和司馬通伯夜坐有感

仕路無媒雪鬢寒枝頭黃菊抱香乾冰山富貴從人

競雲雨交情洗眼看羅雀已空廷尉宅沐猴誰製楚
人冠唾壺擊碎吟懷惡數盡長更睡未安

又

舟倚蒹葭夜氣寒長河水合水聲乾離情有限尊前
寫勛業無憑鏡裏看萬里江湖雙短髮百年天地一
儒冠春風忽報薔薇老回首東山憶謝安

呈倪宗伯靜存先生

絲綸閣下舊名臣官秩欣躋八座尊秋水波濤歸健
筆春風桃李在公門五雲台鼎方虛席東閣郎君又
拜恩聞說相門選有相三槐陰德至今存

又

台星一點拱南畿

聖主恩深未許歸舟掛藍梅真個任君臣原水自相
依鳳城花滿詩情潤玉署清香中牘稀欲識老臣何
事榮蒼生今比向來肥

揚州懷古次李西涯後同

暮鴉聲散霸國空回首神京路不通南國多情留萬
乘中原無主沸群雄十年往事隨流水三月繁花滿
故宮誰似謫仙才調逸浩歌搔首夕陽中

歌風臺

鹿走嶠函若沸波沛公終定漢山河中原指顧英雄
盡故里歸來感慨多父老舊沾湯沐賜風雲曾護翠
華過韓彭已死良弓少莫恠當年對酒歌

望金陵

石城高聳勢崔嵬形勝千年畫裡開故國漫傳龍虎
峙荒山曾見鳳凰來雲間御氣浮雙闕江上烽煙冷
舊臺蕭鼓樓船南渡客賦成誰教孟堅才

登報恩塔

極目遙空倚石窓碧山斜引樹幢幢心馳鸞鶴三山
路目斷魚龍萬里江神禹功勲誰後並謫仙才調世

無雙憑高草就凌雲賦逸氣飄飄未易降

草堂遣懷

平生不辭曲如釣坎止流行亦自由井底仰天纔一
席山中種橘已千頭蠅聲紫色渠堪笑鵝髮蒼顏我
合休飽啖魚羹酌醇醪老夫於世更何求

草堂落成

白頭已乏匡世畧歸來自卜林塘居三年檜木苦難
致十里溪流端可漁門前舊雨客不到竹裡清風翁
醉書平生况復愛消散莫恠往來城府疎

樓居為李舜明題

幽居真可托餘生
重屋凌雲喜落成
涼月滿簾琴趣逸
青山當戶世緣輕
諸生退講白晝靜
老子題詩良夜清
我亦有樓堪燕喜
歲寒相對共怡情

與藩司諸公賞月和韻

白露橫空夜未霜
一輪明月正中央
山河影落層霄外
奎壁光添五緯旁
玉漏有聲催曙急
素娥無語笑人忙
名藩大老題詩處
千古斯文有耿光

按饒病起述懷

老夫抱病未十日
消瘦已同山澤臞
有客為尋金匱訣
無人解寄輞川圖
閉門厭聽仙都雨
按獄愁承使

者符明日一帆歸去便好將消息慰妻孥

楊叔理邀吟社諸友同遊南湖草堂

溪上南風五兩高
舟行還試木綿袍
一天涼雨催詩思
十里春波鑒髮毛
吳下伯圖今寂寞
水南山色自週遭
湖鮮鱸鱖頻呼酒
莫笑先生是老饕

題寇萊公祠次魏孔淵韻

笑談曾破北門胡
藝祖河山赤手扶
黃屋一臨軍氣振
白溝初度虜盟孤
投荒誰憚八千里
壯氣常雄百萬夫
間殺扁舟雷水上
懷賢常起後人吁

又

國勢倉皇獨秉鉞，鐵山水柱見嶙峋。
折衝尊俎紆長策，旋轉乾坤屬此人。
窮源何年歸一老，大名終古貫三辰。
落星池畔橫丹廈，廟貌堂堂又一新。

又

虜名才定渭橋功，萬里南來繫短蓬。
白日清霜昭素節，碧山明月伴衰翁。
汾陽事業誰能並，蜀相祠堂一體同。
遙想匡州老司戶，也應羞見九泉中。

送徐遵誨

仗劍西風促去期，書生門戶亦支離。
百年多病為儒日，千里辭家作客時。
挾策不干

明聖主傷心多戀白頭慈此行若遇韓京兆且爲忘
懷論好詩

壽友人七十

耕田鑿井養吾真一卧青山七十春老眼又逢堯舜
理先生真是綺園人抱孫林下花連屋闔勝尊前雪
滿巾奇絕佳兒偏解事又將春酒慶生辰

新春宿聽松菴次潘玉林韻

蕭蕭雙鬢濕茶煙來借山僧一榻眠老去不堪仍作
吏病中偏覺愛逃禪陽和已滿三千界厄運今過百
六年消盡群陰吾道泰一尊須醉早春前

黃公祿邀觀春席上偶成

君家華第切東墀邀我來看雪裡春
尊酒又成今日會乾坤還是去年人
春盤菜縷青絲滑詞客歌翻白雪
新更喜諸公老無恙東風梅萼艷精神

登西山絕頂

風林寂寂鳥相呼弔古登臨百感俱
江帶夕陽銜赤壁天連春水入樊湖
英雄事業悲三國冠冕文章說二蘇
九曲亭前劍池畔獨將遺事問樵夫

寄塾賓吳貞齋晉卿

能詩不似孟郊寒月斧雲斤琢肺肝
年少獨居師席

重明經誰患硯田乾休官愧我尤多病樂道憐君尚
考盤賴有殘膏及豚犬時來學業已堪觀

訪鴻山趙廣澤觀徐武功題畫

梁鴻宅前風物好天全先生三日遊題詩野寺墨生
沼把酒清溪花滿洲雲山有幸識大老歲月無情成
逝流回首舊遊詞藻在披圖三復恨悠悠

喜殷時貴表弟見訪五峯草堂

野老茅堂溪水潯扁舟來訪似山陰白頭高卧憐余
病青眼相看見爾心花塢夕陽吟處好水亭秋色坐
來深小池八月芙蓉發有約重來豁素襟

寫懷寄朱文立

紛紛名利了無關多病因之得就閒
隱几讀書消白日捲簾捫虱對青山
百年身世謳歌裡三月鶯花醉夢間
爲問龐公解高隱鹿門今去幾時還

壽道寧兄

大兄行年今六十壽酒盈觴且自娛
鏡裡試看無白髮掌中爭美有明珠
側聞

聖主更新化漸喜青雲入壯圖
明日長歌出門去春風花柳滿長途